

حضرت سلطان ہاموؒ کا خواہشورت کلام

چنبیری بوٹی

کلام ہامو

اکبر الہ آبادی

حضرت سلطان باہو رحمۃ اللہ علیہ کا خوبصورت کلام

چنبے دی بوٹی

رحمۃ اللہ علیہ

کلام باہو

طالبین مکالمات

علامہ الدین چشتی

اکبر نائشہ
پبلشرز
اردو بازار
لاہور

اَلصَّلٰوَةُ وَالسَّلَامُ عَلَیْكَ يَا رَسُوْلَ اللّٰهِ
(جملہ حقوق محفوظ ہیں)

نام کتاب کلام حضرت سلطان باہور رحمۃ اللہ علیہ
ترتیب محمد اکبر قادری
معاونین محمد قاسم عطاری، محمد سلیم قادری
محمد ذیشان قادری
صفحات ۶۴
کمپوزنگ محمد یوسف اردو بازار لاہور
ناشر اکبر بک پبلرز بیدہ سنٹر ۴۰ اردو بازار لاہور
قیمت 24 روپے

اکبر بک پبلرز

نیشنل سنٹر ۴۰ اردو بازار لاہور Ph: 7352022

بِسْمِ اللّٰهِ الرَّحْمٰنِ الرَّحِیْمِ

الف اللہ چنے دی بوئی میرے من وچہ مرشد لائی ھو
نقی اثبات دا پانی ملسیں ہر رگے ہر جانی ھو
اندر بوئی مشک مچایا جاں پھلاں تے آئی ھو
جیوے مرشد کامل باھو جیس ایہ بوئی لائی ھو

الف اللہ پڑھیوں پڑھ حافظ ہو یوں ناں گیا حجابوں پردا ھو
پڑھ پڑھ عالم فاضل ہو یوں بھی طالب ہو یوں زردا ھو
سیئے ہزار کتاباں پڑھیاں پر ظالم نفس نہ مردا ھو
باہجھ فقیراں کسے نہ ماریا باھو ایہو چور اندردا ھو

الف احد جد وتی دکھالی ازخود ہو یا فانی ھو
قرب وصال مقام نہ منزل ناں اوتھے جسم نہ جانی ھو
نہ اوتھے عشق محبت کائی نہ اوتھے کون مکانی ھو
عینوں عین تھیوے باھو سر وحدت سبحانی ھو

الف اللہ صحی کیتو سے جداں چمکیا عشق اگوہاں ھو
راتیں دیہاں دیوے تاتکھیرے نت کرے اگوہاں سوہاں ھو
اندر بھاہیں اندر بالن اندر دیوچہ دہو ہاں ھو
باھو شوہ تداں لدھیو سے جداں عشق کیتو سے سوہاں ھو

الف ایہہ دُنیاں زن حیض پلیتی کتنی مل مل دھوون ھو
دُنیاں کا رن عالم فاضل گوشے بہہ بہہ روون ھو
جیندے گھر وچہ بوہستی دُنیاں اوکھے گھو کر سوون ھو
جہناں ترک دنیا تھیں کیتی باھو واہندی نکل کھلوون ھو

الف اَسْتُ بِرَبِّكُمْ سَیَادِلِ میرے نِت قَالُوا بَلٰی کو کیندی ھُو
حُب وطن دی غالب ہوئی ہک پل سون نہ دیندی ھُو
قہر پوے تینوں رہزن دنیا توں تاں حق داراہ مریندی ھُو
عاشقاں مول نہ کیتی باھو تو نہیے کر کر زاریاں روندی ھُو

الف ایہو نفس اسا ڈا بلی جوناں اسا ڈے سدھا ھُو
زاہد عالم آن نوائے جتھے ٹکڑا دیکھے تھدھا ھُو
جو کوئی اس دی کرے سواری اس نام اللہ دا لدھا ھُو
راہ فقر دا مشکل باھو گھرانہ سیرا رڈھا ھُو

الف ازل ابدنوں صحی کیتو سے دیکھ تماشے گزرے ھُو
چوداں طبق دلیندے اندر آتش لائے حجرے ھُو
جہناں حق نہ حاصل کیتا اوہ دوہیں جہانیں اجڑے ھُو
عاشق غرق ہوئے وچہ وحدت باھو دیکھ تھاندے بجرے ھُو

الف اندر ہوتے باہر ہوا یدم ہووے نال جلیندا ھُو
ہو دادا غ محبت والا ہر دم پیا سڑیندا ھُو
جتھے ھُو کرے رشنائی چھوڑ اندھیرا ویندا ھُو
میں قربان تنہاں توں باھو جیہڑا ہونوں صحی کریندا ھُو

الف ادھی لعنت دیناں تائیں تے ساری دُنیا داراں ھُو
جیس راہ صاحب دے خرچ نہ کیتی لین غضب دیاں ماراں ھُو
پیوواں کو لوں پتر کو ہاوے بھٹھہ دُنیاں مکاراں ھُو
جہناں ترک دُنیاں دی کیتی باھو لین باغ بہاراں ھُو

الف ایہہ دُنیاں رن حیض پلیتی ہرگز پاک نہ تھیوے ھُو
جیس فکر گھر دُنیاں ہووے لعنت اسدے جیوے ھُو
حب دنیا دی رب تھیں موڑے ویلے فکر کچوے ھُو
سہ طلاق دُنیاں نوں دینے جے باھو سچ پتھیوے ھُو

الف ایمان سلامت ہر کوئی منگے عشق سلامت کوئی ھُو
منکن ایمان شرماون عشقوں دل نوں غیرت ہوئی ھُو
جس منزل نوں عشق پچاوے ایمان نوں خبر نہ کوئی ھُو
میرا عشق سلامت رکھیں باھو ایمانوں دیاں دھروئی ھُو

الف ایہہ تن میرا چشماں ہووے تے میں مرشد ویکھ نہ جاں ھُو
لوں لوں دے مڈھ لکھ لکھ چشماں ہک کھولاں ہک کجاں ھُو
انتیاں ڈٹھیاں صبرناں آوے ہووے کتے دل بھجاں ھُو
مرشد دا دیدار ہے باھو مینوں لکھ کر وڑاں حجاں ھُو

الف اندر وچہ نمازا ساڈی ہکے جاتینوے ھُو
نال قیام رکوع سجودے کر تکرار پڑھیوے ھُو
ایہہ دل ہجر فراقوں سڑیا ایہہ دم مرے نہ جیوے ھُو
سچا راہ محمد ﷺ والا باھو جیس وچہ رب لبھیوے ھُو

الف اکھیں سرخ موہیں تے زردی ہر دلوں دل آہیں ھُو
مہا مہاڑ خوشبوئی والا پہونتا ونج کداہیں ھُو
عشق مشک نہ چھپے رہندے ظاہر تھیں اتھاہیں ھُو
نہ فقیر تنہاں دا باھو جہناں لامکانی جاہیں ھُو

الف اندر کلمہ کل کل کردا عشق سکھایا کلمات ھو
چوداں طبق کلمے دے اندر قرآن کتاباں علماں ھو
کانے کپ کے قلم بناؤں لکھ نہ سکن قلمات ھو
باھو ایہہ کلمہ مینوں پیر پڑھایا ذرا نہ رہیاں الماں ھو

الف ایہہ تن رب سچے دا مجرا وچہ فقیرا جھاتی ھو
ناں کر منت خواج خضر دی تیرے اندر آب حیاتی ھو
شوق دادیوا بال ہنیرے متاں کھی دست کھڑاتی ھو
مرن تھیں اگے مر رہے باھو جہناں دل رمز پچھاتی ھو

الف ایہہ تن رب سچے دا حجرا دل کھڑا باغ بہاراں ھو
وچے کوزے وچے مصلے وچدے بجدے دیاں تھاراں ھو
وچے کعبہ وچے قبلہ وچے الا اللہ پکاراں ھو
کامل مرشد ملایا باھو اوہ آپے لیسے ساراں ھو

الف اللہ او جھڑ جھل تے مارو بیلا جتھے جالن آئی ھو
جس کدھی نوں ڈھاں ہمیش اوہ ڈھکی کل دھائی ھو
نہیں جہاندی وہے سراندی اوہ سکھ نہیں سوندے راہی ھو
ریت تے پانی جتھے ہون اکٹھے باھو اُتھے بنی نہیں بچدی کاہی ھو

الف آپ نہ طالب ہیں کہیں دے لوکاں نوں طالب کر دے ھو
چانوں کھپاں کر دے سیپاں اللہ دے قہرتوں ناہیں ڈر دے ھو
عشق مجازی تلکُن بازی پیر اوّلے دھردے ھو
اوہ شرمندے ہون باھو اندر روز حشر دے ھو

الف اندر بھی ھو باہر بھی ھو باھو کتھاں بھیوے ھو
سے ریاضتاں کرکراہاں توڑے خون جگر دا پیوے ھو
لکھ ہزار کتاباں پڑھ کے دانش مند سدیوے ھو
نام فقیر تہیدا باھو قبر جہناں دی جیوے ھو

الف اللہ چنے دی بوئی میرے من وچہ مرشد لاندھا ھو
جس گت اتے سوہنا راضی ہوندا اوہو گت سکھاندھا ھو
ہر دم یاد رکھے ہر ویلے سوہنا اٹھاندا بہاندھا ھو
آپ سمجھ سمجھیندا باھو آپ آپے بن جہاندھا ھو

ب باھو باغ بہاراں کھڑیاں نرگس ناز شرم دا ھو
دل وچہ کعبہ صحیح کیتو سے پاکوں پاک نرم دا ھو
طالب طلب طواف تمامی حب حضور حرم دا ھو
گیا حجاب تھیو سے حاجی باھو جدان بخشویں راہ کرم دا ھو

ب بغداد شہر دی کیا نشانی اچیاں لسیاں چیراں ھو
تن من میرا پرزے پرزے جیوں درزی دیاں لیراں ھو
لینہاں لیراں دی گل کفنی پا کے رساں سنگ فقیراں ھو
بغداد شہر دے ٹکڑے منکساں باھو کرساں میراں ھو

ب بغداد شریف ونج کراہاں سودا نے کتو سے ھو
رتی عقل دی کراہاں بھار غماندا گھدو سے ھو
بھار بھریا منزل چوکھیری اوڑک ونج پھتیو سے ھو
ذات صفات صحیح کتو سے باھو تاں جمال لدھو سے ھو

ب باجھ حضوری نہیں منظوری توڑے پڑھن بانگ صلاتاں ھو
روزے نفل نماز گزاراں توڑے جاگن ساریاں راتاں ھو
باجھوں قلب حضور نہ ہووے توڑے کدھن سے زکاتاں ھو
باھو باجھ فناہ رب حاصل ناہیں ناں تاثیر جماتاں ھو

ب بے ادباں ناں سارا ادب دی گئے ادباں تو وانجے ھو
جیہڑے تھاں مٹی دے بھانڈے کدی نہ ہوندے کا بنجے ھو
جیہڑے مڈھ قدیم دے کھنڈے ہون کدی نہ ہوندے رانجے ھو
جیوں دل حضور نہ منگیا باھو گئے دوہیں جہانیں دانجے ھو

ب بزرگی نوں گھت وہن لوڑھائیے ملیئے رنج مکالا ھو
لا الہ گل گہناں مڑھیا مذہب کی لگدا سالا ھو
الا اللہ گھر میرے آیا جین آن اٹھایا پالا ھو
اساں بھر پیالا خضروں پیتا باھو آب حیاتی والا ھو

ب بسم اللہ اسم اللہ دا ایہہ بھی گہناں بھارا ھو
نال شفاعت سرور عالم چھٹسی عالم سارا ھو
حدوں بیحد درود نبی ﷺ نوں جیندا ایڈپارا ھو
میں قربان تنہاں توں باھو جہناں ملیا نبی سوہارا ھو

ب بنھ چلایا طرف زمین دے عرشوں فرش نکایا ھو
گھر تھیں ملیا دیس نکالا اساں لکھیا جھولی پایا ھو
رہ نی دُنیاں ناں کر جھیرا ساڈا اگے دل گھبرایا ھو
اسیں پردیسی ساڈا وطن دوراڈھابا ہودم دم غم سوایا ھو

ب بے تے پڑھ کے فاضل ہوئے ہک حرف نہ پڑھیا کے ھو
جیس پڑھیا تیں شوہ نہ لدھا جاں پڑھیا کجھ تے ھو
چوداں طبق کرن رشنائی انہیاں کجھ نہ دے ھو
باہجھ وصال اللہ دے باھو سبھ کہانیاں قصے ھو

ب بوہتی میں اکوگن ہاری لاج پئی گل اس دے ھو
پڑھ پڑھ علم کر پہن تکبر شیطان جیے او تھے مسدے ھو
لکھاں نوں بھودوزخ والا ہک نت بہشتوں رسدے ھو
عاشقاں دے گل چھری ہمیشاں باھو اگے محبوباندے کسدے ھو

پ پ پڑھ پڑھ علم ملوک رجھاون کیا ہو یا اس پڑھیاں ھو
ہرگز مکھن مول ناں آوے پھٹے دودھ دے کڑھیاں ھو
آکھ چندورا ہتھ کے آئیو اس انگوری چنیاں ھو
ہک دل خستہ رکھیں راضی باھو لہیں عبادت ورہیاں ھو

پ پ پڑھ پڑھ عالم کرن تکبر حافظ کرن دڈیائی ھو
گلیاں دے وچہ پھرن نمانے دتن کتاباں چائی ھو
جھتے ویکھن چنگا چوکھا او تھے پڑھن کلام سوائی ھو
دوہیں جہانیں سوئی مٹھے باؤ جہناں کھادی ویچ کمائی ھو

پ پ پڑھ پڑھ علم مشائخ سداون کرن عبادت دوہری ھو
اندر جھگی پئی لیوے تن من خبر ناں موں موری ھو
مولا والی سدا سکھالی دل توں لاہ تکوری ھو
باھو رب تنہاں نوں حاصل جہناں جگ ناں کیستی چوری ھو

پ پڑھ پڑھ علم ہزار کتاباں عالم ہوئے بھارے ھو
 اک حرف عشق دا پڑھن نہ جانن بھلے پھرن بچارے ھو
 اک نگاہ جے عشق دیکھے لکھ ہزاراں تارے ھو
 لکھ نگاہ جے عالم دیکھے کسے نہ کدی چاہڑے ھو
 عقل عشق وچہ منزل بھاری سبیاں کو ہاندے پاڑے ھو
 جہناں عشق خرید نہ کیتا باھو اوہ دوہیں جہانیں ماڑے ھو

پ پڑھیا علم تے ودھی مغروری عقل بھی گیا تلوہاں ھو
 بھلا راہ ہدایت والا نفع نہ کیتا دوہاں ھو
 سردتیاں جے سرہتھ آوے سودا ہار نہ توہاں ھو
 وڑیں راز محبت والے باھو کوئی رہبر لے کے سوہاں ھو
 پ پاک پلٹ نہ ہوندے ہرگز توڑے رہندے وچہ پلٹتی ھو
 وحدت دے دریا اچھلے ہک دل صحی نہ کیتی ھو
 ہک بت خانے واصل ہوئے ہک پڑھ پڑھ رہن مسیتی ھو
 فاضل سٹ فضیلت بیٹھے باھو مشق نماز جاں نیتی ھو

پ پیر ملیاں جے پیڑناں جاوے اسنوں پیر کی دھرناں ھو
 مرشد ملیاں ارشاد نہ من نوں اوہ مرشد کی کرناں ھو
 جس ہادی کولوں ہدایت ناہیں اوہ ہادی کی پھڑناں ھو
 جے سردتیاں حق حاصل ہووے باھو اس موتوں کی ڈرناں ھو

پ پاٹا دامن ہو یا پرانا کچرک سیوے درزی ہو
 حال دا محرم کوئی نہ ملیا جو ملیا سو غرضی ہو
 باجھ مربی کسے نہ لدھی گجھی رمز اندر دی ہو
 او سے راہ دل جائے باہو جس تھیں خلقت ڈردی ہو

پ پنچے محل پنجاں وچہ چانن ڈیواکت دل دھریے ہو
 پنچے مہر پنچے پٹواری حاصل کت دل بھریے ہو
 پنچے امام تے پنچے قبلے سجدہ کت کریے ہو
 باہو بے صاحب سرمنگے ہرگز ڈھل نہ کریے ہو

ت تارک دنیا تہیو سے جداں فقر ملیو سے خاصا ہو
 راہ فقر دا تہہ لدھیو سے جداں ہتھ پکڑیو سے کاسا ہو
 دریا وحدت دا نوش کینو سے اجاں بھی جی پیاسا ہو
 راہ فقررت ہنجوں روؤن باہو لوکاں بھانے ہاسا ہو

ت تلہ بنھ توکل والا ہو مردانہ تریے ہو
 جیس دکھ تھیں سکھ حاصل ہووے اس دکھ تھیں نہ ڈریے ہو
 اِنَّ مَعَ الْعُسْرِ يُسْرًا آیا چت اسے دل دھریے ہو
 اوہ بے پرواہ درگاہ ہے باہو او تھے رورو حاصل بھریے ہو

ت تن من یار میں شہر بنایا دل وچہ خاص محلہ ہو
 آن الف دل دسوں کیستی میری ہوئی خوب تسلہ ہو

سب کچھ مینوں پیا سنیوے جو بولے ماسو اللہ ھو
 درد منداں ایہہ رمز کچھاتی باھو بے درداں سر کھلہ ھو
 ت توڑے تنگ پرانے ہوون گجھے نہ رہندے تازی ھو
 مارنقارہ دل وچہ وڑیا کھیڈ گیا اک بازی ھو
 ماردلاں نوں جوں دتوئیں جدوں تگے نین نیازی ھو
 انہاں نال کیہ ہو یا باھو جہناں یار نہ رکھیا راضی ھو
 ت تسمیع داتوں کسی ہو یوں ماریں دم ولیہاں ھو
 من دا منکا اک نہ پھریں گل پائیں پنج دیہاں ھو
 دین لکیاں گل گھوٹو آدے لین لکیاں جھٹ شہاں ھو
 پتھر چت جہناں دے باھو اوتھے زایا دسناں میناں ھو
 ت تدوں فقیر شتابی بنداجد جان عشق وچہ ہارے ھو
 عاشق شیشا تے نفس مربی جاں جاناں توں وارے ھو
 خود نفسی چھڈ ہستی جھیرے لاہ سروں سب بھارے ھو
 باھو باجھ مویاں نہیں حاصل تھیند اتوڑے سے سرائنگ اتارے ھو
 ت توں تاں جاگ ناں جاگ فقیر انت نوں ٹور جگایا ھو
 اکھیں میٹیاں ناں دل جاگے جاگے جاں مطلب پایا ھو
 ایہہ نکتہ جداں کیتا پختہ تاں ظاہر آکھ سنایا ھو
 میں تاں بھل دیندی ساں باھو مینوں مرشد راہ دکھایا ھو

تسہی پھری تے دل نہیں پھریا کی لینا تسہی پھڑ کے ھو
علم پڑھیا تے ادب نہ سکھیا کی لینا علم نوں پڑھ کے ھو
چلے کئے تے کجھ نہ کھٹیا کی لینا چلیاں وڑ کے ھو
جاگ بنوں دھ جمدے ناہیں بھانویں باھو لال ہون کڑھ کڑھ کے ھو

ث ثابت صدق تے قدم اگیرے ناہیں رب لہیوے ھو
لوں لوں دے وچہ ذکر اللہ داہر دم پیا پڑھیوے ھو
ظاہر باطن عین عیانی ہو ہو پیا سنیوے ھو
نام فقیر تنہاں دا باھو قبر جہناں دی جیوے ھو

ث ثابت عشق تنہاں نیں لدھا جہناں ترٹی چوڑ چاکیتی ھو
ناں اوہ صوفی ناناں اوہ صافی ناں سجدہ کرن مسیتی ھو
خالص نیل پرانے اتے نہیں چڑھدا رنگ جیھٹی ھو
قاضی آن شرع دل باھو کدیں عشق نماز نہ نیستی ھو

ج جو دل مگے ہووے ناہیں ہون ریہا پریرے ھو
دوست نہ دیوے دل دادارو عشق نہ واگاں پھیرے ھو
اس میدان محبت دے وچہ ملن تا تکھیرے ھو
میں قربان تنہاں توں باھو جہناں رکھیا قدم اگیرے ھو

ج جے توں چاہیں وحدت رب دی تاں مل مرشد دیاں منیاں ھو
مرشد لطفوں کرے نظارہ گل تھیون سبھ کلیاں ھو

انہاں گلاں وچوں ہک لالہ ہوسی گل نازک گل پھلیاں ھو
دوہیں جہانیں مٹھے باھو جہناں سنگ کیتا دو ڈلیاں ھو

ج جس الف مطالبہ کیتا ”ب“ دا باب نہ پڑھدا ھو
چھوڑ صفاتی لدھس ذاتی اوہ عامی دور چا کردا ھو
نفس امارہ کتر ا جانے ناز نیاز نہ دھردا ھو
کیا پرواہ تنہاں نوں باھو گھاڑو لدھا گھردا ھو

ج جو پاکی بن پاک ماہی دے سو پاکی جان پلیتی ھو
ہک بت خانے جا واصل ہوئے ہک پڑھ پڑھ رہے مسیتی ھو
عشق دی بازی لئی جہناں سر دیندیاں ڈھل نہ کیتی ھو
ہرگز دوست نہ ملیا انہاں حضرت باھو جہناں ترٹی چوڑ نہ کیتی ھو

ج جب تک خودی کریں خود نفسوں تب تک رب نہ پاویں ھو
شرط فناہ نوں جانیں ناہیں تے اسم فقیر رکھاویں ھو
موئے باجھ نہ سوہندی الفی ایویں گل وچہ پاویں ھو!
مدول نام فقیر ہے سوہندی حضرت باھو جے جیوندیاں مرجاویں ھو

ج جو دم غافل سودم کافر سانوں مرشد ایہا پڑھایا ھو
سنیاخن گیاں کھل اکھیں اساں چت مولا ول لایا ھو
کیتی جان حوالے رب دے اساں ایسا عشق کمایا ھو
مرن تھیں مر گئے اگے حضرت باھو تاں مطلب نوں پایا ھو

ج جیس دل عشق خرید نہ کیتا سودل بخت نہ بختی ھو
استاد ازل دے پڑھایا ہتھ دس دل تنختی ھو
برسر آیاں دم ناں ماریں جاں سر آوے سختی ھو
پڑھ تو حیدناں تھیویں واصل باھو سبق پڑھیوے وقتی ھو

ج جیس دل عشق خرید نہ کیتا سودل درد نہ پھٹی ھو
اس دل تھیں سنگ پتھر چنگے جو دل غفلت اٹی ھو
جیس دل عشق حضور نہ منگیا سو درگا ہوں سٹی ھو
ملیا دوست نہ انہاں باھو جہناں چوڑ نہ کیتی ترٹی ھو

ج جیس دل عشق خرید نہ کیتا سوئی خسرے مرد زانے ھو
خنسے خسرے ہر کوئی آکھے کون آکھے مردانے ھو
گلیاں دے وچہ پھرن اریلے جیوں جنگل دھوردیوانے ھو!
مرداں تے مرداں دی کل تداں پوی باھو جداں عشق نہیں گانے ھو

ج جیس دہنہہ داییں درتینڈے تے سجدہ صحتی ونج کیا ھو
اس دہیہہ دا سر فدا تھاکیں میں دربار نہ لیتا ھو
سردیوں سر آکھن ناہیں اساں شوق پیالا پیتا ھو
میں قربان تنہا توں باھو جہناں عشق سلامت کیتا ھو

ج جو پاکی بن پاک ماہی دے سو پاکی جان پلیتی ھو
بک بت خانے جا واصل ہوئے بک خالی رہے مسیتی ھو

عشق دی بازی انہاں لئی جہناں سردتیاں ڈھل نہ کیتی ھو
ہرگز دوست نہ ملدا باھو جہناں ترٹی چوڑ نہ کیتی ھو
ج جتھے رتی عشق وکاوے او تھے مناں ایمان و دیو سے ھو
کتب کتاباں ورد وظیفے او ترچا کچھوے ھو
باہجھوں مرشد کچھ نہ حاصل توڑے راتیں جاگ پڑھیوے ھو
مریے مرن تھیں اگے باھوتاں رب حاصل تھیوے ھو

ج جنگل دے وچہ شیر مریلا باز یوے وچہ گھر دے ھو
عشق جیہا صراف ناں کوئی کچھ ناں چھوڑے وچہ زردے ھو
عاشقاں نیند بھکھ ناں کائی عاشق مول نہ مردے ھو
عاشق جیندے تداں دھوے باھو جداں صاحب لگے سرھڑے ھو
ج جہناں عشق حقیقی پایا موہوں نہ کچھ الاون ھو
ذکر فکر وچہ رہن ہمیشاں دم نوں قید لگاؤن ھو
نفسی، قلبی، روحی، سری خفی انھنی ذکر کہاؤن ھو
میں قربان تنہاں توں باھو جیہڑے اکس نگاہ جواؤن ھو

ج جیوندیاں مر رہناں ہووے تاں دیس فقیراں ہیئے ھو
جے کوئی نئے گوڈر گوڈا وانگ ادڑی سہیئے ھو
جے کوئی کڈھے گاہلاں مہنے اُس نوں جی جی کہیئے ھو
گلا الا ہماں بھنڈی خواری یار دے پاروں سہیئے ھو
قادر دے ہتھ ڈور ساڈی باھو جیوں رکھے تیوں رہیئے ھو

ج جیوندے کے جان سار مویاں دی سو جانے جو مردا ہو
قبراں دے وچہ ان ناں پانی اتھے خرچ لوڑیندا گھردا ہو
اک وچھوڑا ماں پیو بھائیاں دو جا عذاب قبر دا ہو
واہ نصیب انہاندا باہو جیہڑا وچہ حیاتی مردا ہو

ج جے رب ناتیاں دھوتیاں ملدا تاں ملدا ڈڈواں کچیاں ہو
جے رب لمیاں والاں ملدا تاں ملدا بھیدال سیاں ہو
جے رب راتیں جاگیاں ملدا تاں ملدا کال کڑچھیاں ہو
جے رب جتیاں ستیاں ملدا تاں داندال نصیاں ہو
انہاں گلاں رب حاصل ناہیں باہو رب ملدا اولیاں بچھیاں ہو

ج جہناں شوہ الف تھیں پایا پھول قرآن ناں پڑھدے ہو
اوہ مارن دم محبت والا دور ہو یو نہیں پردے ہو
دوزخ بہشت غلام تنہا ندے چاکیتونے بردے ہو
میں قربان تنہا ندے باہو جیہڑے وحدت دے وچہ ڈر دے ہو

ج جے کر دین علم وچہ ہوندا تاں سرینز سے کیوں چڑھدے ہو
اٹھاراں ہزار جو عالم آہا اوہ اگے حسین دے مردے ہو
جے کچھ ملاحظہ سرور دا کردے تاں خیمے تمبو کیوں سڑدے ہو
جیکر من دے بیعت رسولی تاں پانی کیوں بند کردے ہو
پر صادق دین تنہاں دے باہو سر قربانی کر دے ہو

ج جد دا مرشد کاساد تڑا تدی بے پرواہی ھو
کی ہو یا بے راتیں جاگیوں بے مرشد جاگ ناں لائی ھو
راتیں جاگیں تے کریں عبادت ڈیہ نہہ مندیا کریں پرانی ھو
کوڑا تخت دنیا دا باھو تے فقر کچی بادشاہی ھو

ج جاں تاںیں خودی کریں خود نفسوں تاں تاںیں رب نہ پانویں ھو
شرط فنانوں جانیں ناہیں تے نام فقیر رکھاویں ھو
موئے باجھ نہ سوہندی الفی اینویں گل وچہ پانویں ھو
نام فقیر تد سوہندا باھو جد جیوندیاں مرجاویں ھو

ج جل جلیندیاں جنگل بھوندیاں میری ہکا گل نہ پکی ھو
چلے چلے مکے ج گزاریاں میری دلدی ڈور نہ ڈکی ھو
تیرے روزے پنج نمازاں ایہہ بھی پڑھ پڑھ تھکی ھو
سکھے مرادوں حاصل ہو یاں باھو جاں کامل نظر مہر دی تھکی ھو

ج جاں جاں ذات نہ تھیوے باھو تاں کم ذات سد یوے ھو
ذاتی ناں صفاتی ناہیں تاں تاں حق لبھیوے ھو
اندر بھی ہو باہر بھی ہو باھو کتھے لبھیوے ھو
جیندے اندر حب دنیا باھو اوہ مول فقیر نہ تھیوے ھو

ج جس دل اسم اللہ دا چمکے عشق بھی کردا ہلے ھو
بھار کستوری دے چھپدے ناہیں بھانویں دے رکھے سے پلے ھو!

انگلیں کچھے دیہنہ ناہیں چھپدے دریا نہیں رہندے ٹھلے ھو!
 اسیں او سے وچہ اساں وچہ باھو یاراں یار سولے ھو
 چ چڑھ چناں تے کر رشنائی ذکر کریندے تارے ھو
 گلیاں وچہ پھرن نماں لعلاندے ونجارے ھو
 شالا مسافر کوئی نہ تھیوے ککھ جہناں توں بھارے ھو
 تاڑی ماری اڈاؤ ناں باھو اساں آپے اڈن ہارے ھو

چ چڑھ چناں تے کر رشنائی تارے ذکر کریندے تیرا ھو
 تیرے جے جن کئی سے چڑھدے سانوں جہناں باجھ ہنیرا ھو
 جتھے چن اساڈا چڑھدا اتھے قدر نہیں کجھ تیرا ھو
 جسدے کارن اساں جنم گویا باھو یار ملے اک پھیرا ھو
 ح حافظ پڑھ پڑھ کرن تکبر ملاں کرن وڈیائی ھو
 ساون مانہہ دے بدلاں وانگوں پھرن کتاباں چائی ھو
 جتھے دیکھن چنگا چوکا اتھے پھرن کلام سوائی ھو
 دوہیں جہانیں مٹھے باھو جہناں کھادی ویج کمائی ھو

خ خام کیہ جانن سار فقر دی جیہڑے محرم ناہیں دل دے ھو
 آب مٹی تھیں پیدا ہوئے خامی بھاندے گل دے ھو
 لعل جواہراں دا قدر کی جانن جو سوداگر بل دے ھو
 ایمان سلامت سوئی ویسن باھو جیہڑے بھج فقراں ملدے ھو

دل دریا سمندروں ڈونگھے کون دلاں دیاں جانے ھو
وچے بیڑے وچے جھیرے وچے ونجھ موہانے ھو
چوداں طبق دے دے اندر جتھے عشق تہوونج تانے ھو
جو دل دا محرم ہووے باھو سوئی رب پچھانے ھو

دل دریا سمندروں ڈونگھے غوطہ مار غواصی ھو
جیں دریا ونج نوش نہ کیتا رہسی جان پیاسی ھو
ہر دم نال اللہ دے رکھن ذکر فکر دے آسی ھو
اس مرشد تھیں زن بہتر باھو جو پھند فریب لباسی ھو

دل دریا خواجہ دیاں لہراں گھمن گھیر ہزاراں ھو
رہن دلیلاں وچے فکر دے بے حد بے شماراں ھو
ہک پردیسی دو جانیوں لگ گیا ترابے کجھی دیاں ماراں ھو
ہسن کھیدن سبھ بھلیا باھو حد عشق چنگھاریاں دھاراں ھو

دل دے وچے دل جو آکھیں سو دل دور دلیلوں ھو
دل دا دور اگوہاں کیجے کثرت کنوں قلیلوں ھو
قلب کمال جمالوں جسموں جوہر جاہ جلیلوں ھو
قبلہ قلب منور ہو یا باھو خلوت خاص خلیلوں ھو

دل کالے کولوں منہ کالا چنگا جے اسنوں جانے ھو
منہ کالا دل اچھا ہووے تاں دل یار پچھانے ھو

ایہہ دل یار دے پچھے ہووے متاں یار دی کدی پچھانے ھو
 سے عالم چھوڑ مستیاں تھے باھو جد لگے نیں دل نکالنے ھو
 د دل تے دفتر وحدت والا دائم کریں مطالیا ھو
 ساری عمراں پڑھدیاں گزری جہلاں دے وچہ جالیا ھو
 اکو اسم دل اللہ دا رکھیں اپنا سبق مطالیا ھو
 دوہیں جہاں غلام تنہاندے باھو جییں دل اللہ سمجھالیا ھو
 د درد اندر دا اندر ساڑے باہر کراں تا گھائل ھو
 حال اسا ڈا کیویں اوہ جاشن جو دنیا تے مائل ھو
 بحر سمندر عشقے والا ہر دم رہندا حائل ھو
 پہنچ حضور اساں نہ باھو اساں نام تیرے دے سائل ھو
 د درد منداں دے دھوئیں دھکدے دڑدا کوئی ناں سیکے ھو
 انہاں دھواں دے تا تکھیرے محرم ہووے تاں سیکے ھو
 چھک شمشیر کھڑا ہے سرتے ترس پوس تاں تھیکے ھو
 ساہورے کڑیے اپنے ونجناں باھو سدا ناں رہناں پیکے ھو
 د درد منداں دا خون جو پیندا کوئی برہوں باز مریلا ھو
 چھاتی دے وچہ کیتس ڈیرا جیویں شیر بیٹھال بیلا ھو
 ہاتھی مست سندوری وانگوں کردا پیلا پیلا ھو
 اس پیلے دا دوساں ناں کجے باھو پیلے باجھ ناں ہوندا میلا ھو

و دین تے دنیا سکیاں بھیناں تینوں عقل نہیں سمجھیندا ھو
 دونوں اکس نکاح وچہ آون تینوں شرع نہیں فرمیندا ھو
 جو یں اگ تے پانی تھاں اکتے وچہ واسا نہیں کریندا ھو
 دوہیں جہانیں مٹھا باھو جیہڑا دعوئی کوڑ کریندا ھو

و دنیا گھر منافق دے یا گھر کافر دے سونہدی ھو
 نقش نگار کرے بہترے زن خواہاں سبھ مونہدی ھو
 بجلی وانگوں کرے لشکارے سردے اتوں جھوندی ھو
 حضرت عیسیٰ دی سلھ وانگوں باھو راہ دیندیاں نوں کوئندی ھو

و دنیا ڈھونڈن والے کتے در در پھرن حیرانی ھو
 ہڈی اتے ہوا تنہاں دی لڑدیاں عمر دہانی ھو
 عقل دے کوتاہ سمجھ نہ جانن پیوں لوڑن پانی ھو
 باجھوں ذکر ربے دے باھو کوڑی رام کہانی ھو

و دودھ تے وہی ہر کوئی رٹ کے عاشق بھارڑ کیندے ھو
 تن چٹورا من مدھانی آہیں نال ہلیندے ھو
 دکھاندا تیرا کڈھے لشکارے غمائمے پانی پیندے ھو
 نام فقیر تنہاں دا باھو جیہڑے ہڈاں نوں مکھن کڈھیندے ھو

و درد منداں دیاں آہیں کولوں پہاڑ پتھر دے جھڑ دے ھو
 درد منداں دیاں آہیں کولوں بھج ناگ زمین وچہ وڑ دے ھو

درد منداں دیاں آپیں کولوں اسمانوں تارے جھڑدے ھو

درد منداں دیاں آپیں کولوں باھو عاشق مول نہ ڈردے ھو

د دلیلاں چھوڑ وجودوں ہوشیار فقیرا ھو

بنھ تو کل پنجھی اڈ دے پلے خرچ نہ زیرا ھو

روز روزی اڈ کھاون ہمیشہ نہیں کردے نال ذخیرہ ھو

مولا خرچ پہنچا دے باھو جو پتھر وچہ کیڑا ھو

د دل بازار تے منہ دروازہ سینہ شہر ڈسیندا ھو

روح سوداگر نفس ہے راہزن جیہڑا حق داراہ مریندا ھو

جاں توڑی ایہہ نفس نہ ماریں تاں ایہہ وقت کھڑیندا ھو

کردا ہے ضائع ویلا باھو جاں نوں تاک مریندا ھو

د دل ہی حجرا رب سچے دا اتھے پا فقیر جھاتی ھو

گھیان دادیوا بال اندھیرے تیری لب پے دست گواچی ھو

نہ کرنتاں خواج خضر دی آں تیرے اندر آب حیاتی ھو

میاں باھو جتاں مرشد یا جنے اے رمز بہیتی ھو

د دل نوں نماز پڑھایو نہ ہی کی ہو یا جے نیتی ھو

لوکاں دے دکھاون خاطر چچ وڑیا مسیتی ھو

ارکو گئے مل مل دھوئے تیرے منوں نہ گنی پلیتی ھو

باہجھ مرشد کامل باھو تی نیتی تی نہ نیتی ھو

ذ ذاتی نال ناں ذاتی رلیا سو کم ذات سدیوے ھو
نفس کتے نوں بنھ کراہاں فہما فہم کچوے ھو
ذات صفا توں مہٹنا آوے جداں ذاتی شوق پیوے ھو
نام فقیر تنہاں دا باھو قبر جہناں دی جیوے ھو

ذ ذکر فکر سب ارے ارے جاں جان فدا ناں فانی ھو
فدا فانی تنہا نوں حاصل جیہڑے وسن لامکانی ھو
فدا فانی اونہاں نوں ہو یا جہناں چکھی عشق دی کانی ھو
باھو ھو دا ذکر سڑیندا ہر دم یار ناں ملیا جانی ھو

ذ ذکر کنوں کر فکر ہمیشاں ایہہ لفظ تکھا تلواروں ھو
کڈھن آہیں تے جان جلاوَن فکر کرن اسراروں ھو
ذا کر سوئی جیہڑے فکر کماوَن ہک پلک ناں فارغ یاروں ھو
فکر دا پھٹیا کوئی نہ جیوے پٹے مڈھ چا پاڑوں ھو
حق دا کلمہ آکھیں باھو رب رکھے فکر دی ماروں ھو

ر راہ فقر دا پرے پریرے اوڑک کوئی نہ دے ھو
ناں او تھے پڑھن پڑھاوَن کوئی نہ او تھے مسکے قصے ھو
ایہا دنیا بت پرستی مت کوئی اس تے دے ھو
موت فقیری جییں سر آوے باھو معلم تھیوے تے ھو

ر راتیں رتی نیند نہ آوے وہاں رہے حیرانی ھو
عارف دی گل عارف جانے کیا جانے نفسانی ھو

کر عبادت پچھوتا میں تیری ضائع گی جوانی ہو
حق حضور انہاں حاصل باہو جہناں ملیا شاہ جیلانی ہو
ر راتیں نین رت ہنجوں روون تے دیہاں غمزہ غم دا ہو
پڑھ توحید و ژیا تن اندر سکھ آرام ناں سدا ہو
سر سولی تے چا ٹنکیو تے ایہہ راز پریم دا ہو
سدھا ہو کو ہیوئے باہو قطرہ رہے ناں غم دا ہو

ر راہ فقیر دا مدھوں ہوسی جد ہتھ پھڑیوسی کاسہ ہو
تارک دنیا توں تداں تھیوسی جد فقیر ملیوسی خاصہ ہو
دریا وحدت دانوش کیتوس اجاں بھی جی پیاسہ ہو
راہ فقیری رت ہنجوں روون حضرت باہو لوکاں بھانے ہاسہ ہو
ر رات اندھیری کالی دے وچہ عشق چراغ جلا ندا ہو
جیندی سک توں دل چانیوے توڑیں آواز مناندا ہو
اوجھڑ جھل تے مارو بیلے اتھے دم دم خوف شہیاں دا ہو
تھل جل جنگل گئے جھکیندے باہو کامل ینہہ جہاندا ہو

ر رحمت اس گھر وچہ وے جتھے بلدے دیوے ہو
عشق ہوائی چڑھ گیا فلک تے کتھے جہات گھتیوے ہو
عقل فکر دی بیڑی نوں چا پہلے پور بوڑیوے ہو
ہر جا جانی وے باہو بخت دل نظر کچیوے ہو

ر روزے نفل نمازاں تقویٰ سمجھو کم حیرانی ہو
انہیں گلیں رب حاصل ناہیں خود خوانی خود خوانی ہو
ہمیش قدیم جلیندا ملیو سویار یار نہ جانی ہو
درد وظیفے تھیں چھٹ رہی باہو جدہورہسی فانی ہو

ز زبانی کلمہ ہر کوئی پڑھدا دل دا پڑھدا کوئی ہو
جتنے کلمہ دل دا پڑھے اوتھے ملے زبان ناں ڈھوئی ہو
دل دا کلمہ عاشق پڑھدے کی جانن یار گلوئی ہو
ایہہ کلمہ اسانوں پیر پڑھایا باہو میں سدا سوہا گن ہوئی ہو

ز زاہد زہد کریندے تھکے روزے نفل نمازاں ہو
عاشق غرق ہوئے وچہ وحدت اللہ نال محبت رازاں ہو
مکھی قید شہد وچہ ہوئی کیا اڈسی نال شہبازاں ہو
جہناں مجلس نال نبی دے باہو سوای صاحب ناز نوازاں ہو

س سبق صفاتی سوئی پڑھدے جووت پیئے ذاتی ہو
علموں علم انہاں نوں ہو یا جیڑھے اصلی تے اثباتی ہو
نال محبت نفس کٹھونے کڈھ قضا دی کاتی ہو
بہرہ خاص انہاں نوں باہو جہناں لدھا آب حیاتی ہو

س سوز کینوں تن سڑیا سارا میں تے دکھاں ڈیرے لائے ہو
کوئل دا نگ کو کیندی وتاں ناں ونجن دن اضائے ہو

بول پھیا رت ساون دی آئی متاں مولا مینہ و سائے ھو
 ثابت صدق تے قدم آگاہاں باھو رب سکدیاں دوست ملائے ھو
 س سے روزے سے نفل نمازاں سے سجدے کر کر تھکے ھو
 سے واری مکے حج گزارن دل دی دوڑ نہ مکے ھو
 چلے چلے جنگل بھونا اس گل تھیں ناں پکے ھو
 سبھے مطلب حاصل ہوندے باھو جد پیر نظر اک تکے ھو
 س سن فریاد پیراں دی پیرا میری عرض سنیں کن دھر کے ھو
 بیڑاڑیا میرا وچہ کپرا اندے جتھے مجھ نہ بہندے ڈر کے ھو
 شاہ جیلانی محبوب سبحانی میری خبر لیو جھٹ کر کے ھو
 پیر جہاندے میراں باھو اوہی کدھی لگدے تر کے ھو
 س سب تعریف کو یشر کردے کارن در بحر دے ھو
 شش فلک تے شش زمیناں شش پانی اتے تر دے ھو
 چھیاں حرفاندے سخن اٹھاراں او تھے دودو معنی دھر دے ھو
 پر حق پچھانیوں ناہیں حضرت باھو پہلے حرف سطر دے ھو
 س سن فریاد پیراں دیا پیرا میں آکھ سناواں کیوں ھو
 تیرے جیہا مینوں ہور نہ کوئی میں جیہاں لکھ تینوں ھو
 پھول نہ کاغذ بدیاں والے درتوں دھک نہ مینوں ھو
 میں وچہ ایڈگناہ نہ ہوندے باھو تو بخشیندوں کیوں ھو

س سو ہزار تنہا توں صدقے جیہڑے منہ نہ بولن پھکا ھو
لکھ ہزار تنہا توں صدقے جیہڑے گل کریندے ہکا ھو
لکھ کروڑ تنہا توں صدقے جیہڑے نفس رکھیندے جھکا ھو
نیل پدم تنہا توں صدقے با ھو جیہڑے ہوں ہوں سدا دن رکھا ھو

میں سینے وچہ مقام ہے کیندا سانوں مرشد گل سمجھائی ھو
ایہو ساہ جو آوے جاوے ہو نہیں شے کائی ھو
اس نوں آکھن اسم الاعظم ایہو سر الہی ھو
ایہو موت حیاتی با ھو ایہو بھیت الہی ھو

ش شور شہرتے رحمت دے جتھے با ھو جالے ھو
باغباناں دے بوٹے وانگوں طالب نت سمہالے ھو
نال نظارے رحمت والے کھڑا حضوروں پالے ھو
نام فقیر تنہاں دا با ھو جیہڑا گھر وچہ یار دکھالے ھو

ش شریعت دے دروازے اچے راہ فقر و اموری ھو
عالم فاضل لنگھن نہ دیندے جو لنگھدا سو چوری ھو
پٹ پٹ اثاں وٹے مارن درد مند اداں دے کھوری ھو
راز مانی دا عاشق جانن با ھو کی جانن لوک اتھوری ھو

ص صفت ثنائیں مول نہ پڑھدے جو چاہتے وچہ ذاتی ھو
علم عمل انہاں وچہ ہووے جیہڑے اصلی تے اثباتی ھو

نال محبت نفس کٹھونیں گھن رضادی کاتی ھو
چوداں طبق دے دے اندر باھو پا اندردی جھاتی ھو
ص صورت نفس امارہ دی کوئی کتا گٹر کالا ھو
کو کے نو کے لہو پیوے مٹے چرب نوالا ھو
کھے پاسوں اندر بیٹھا دل دے نال سنبھالا ھو
ایہہ بد بخت ہے وڈا ظالم باھو کرسی اللہ نالا ھو
ض ضروری نفس کتے نوں قیما قیم کچوے ھو
نال محبت ذکر اللہ دا دم دم پیا پڑھیوے ھو
ذکر کنوں رب حاصل تھیندا ذاتوں ذات وسیوے ھو
دوہیں جہاں غلام تنہاندے باھو جہناں ذات لکھیوے ھو
ط طالب غوث الاعظم والے شالا کدے نہ ہوون ماندے ھو
جیندے اندر عشق دی رتی سدا رہن کر لاندے ھو
جینوں شوق ملن دا ہووے لے خوشیاں نت آندے ھو
دوہیں جہاں نصیب تنہاندے باھو جیہڑے ذاتی اسم کماندے ھو
ط طالب بن کے طالب ہوویں اوے نوں پیا گانویں ھو
سچا لڑہادی دا پھڑ کے اوہو تو ہو جاویں ھو
کلے ذاتوں ذکر کماویں کل میں نال نہاویں ھو
اللہ تینوں پاک کر لسی باھو جے ذاتی اسم کماویں ھو

ظ ظاہر و یکھاں جانی تا ئیں نالے دے اندر سینے ھو
 برہوں ماری میں نت پھراں مینوں ہسن لوگ نابینے ھو
 میں دل وچوں ہے شوہ پایا لوگ جاون مکے مدینے ھو
 کہے فقیراں دا باھو سب دلاندے وچہ خزینے ھو
 ع علموں باہجھوں فقیر کہاوے کافر مرے دیوانہ ھو
 سے ورہیاندی کرے عبادت رہے اللہ کنوں بیگانہ ھو
 غفلت کنوں نہ کھیس پردے دل جاہل بت خانہ ھو
 میں قربان تنہاں توں باھو جہناں ملیا یار یگانہ ھو

ع عقل فکردی جانہ کائی جتھے وحدت سرسجانی ھو
 ناں اوتھے ملاں پنڈت ہوسی نہ اوتھے علم قرآنی ھو
 جد احمد اُحد دکھائی دتا تاں کل ہووے فانی ھو
 علم تمام کیتو نے حاصل باھو کتاباں ٹھپ اسمانی ھو
 ع عشق مؤذن دیناں بانگاں کنیں بلبل پپوے ھو
 خون جگر داکڈھ کراہاں وضو صاف کیتو سے ھو
 سن تکبیر فتانی اللہ والی مڑن محال تھیو سے ھو
 پڑھ تکبیر تھیو سے واصل باھو تداں شکر کیتو سے ھو

ع عاشق پڑھن نماز پر م دی جییں وچہ حرف نہ کوئی ھو
 جہناں کیہاں نیت نہ سکے اوتھے درد منداں ول ڈھوئی ھو

ع عاشقاں کہو وضو جو کیتا روز قیامت تائیں ہو
وچہ نماز رکوع سجودے رہندے سچ صباںیں ہو
استھے اوٹھے دوہیں جہانیں سبھ فقر دیاں جائیں ہو
عرش کولوں سے منزل اگے باہو پیا کم تنہائیں ہو

ع عشق دی بازی ہر جا کھیڈی شاہ گدا سلطاناں ہو
عالم فاضل عاقل دانا کردا چا حیراناں ہو
تنو کھوڑا تھا وچہ دل دے چا چوڑیس خلوت خاناں ہو
عشق امیر فقیر منیدے باہو کیا جانے لوگ بیگاناں ہو

ع عشق دریا محبت دے وچہ تھی مردانہ ترے ہو
جتھے لہر غضب دیاں ٹھاٹھاں قدم اتھائیں دھریے ہو
اوجھڑ جھنگ بلائیں نیلے ویکھو ویکھ نہ ڈریے ہو
نام فقیر تہ تھیدا باہو جد وچہ طلب دے مریے ہو

ع عشق اسانوں لیاں جاتا لتھا مل مہاڑی ہو
نال سودے ناں سون دیوے جیویں بال رہاڑی ہو
پوہ مانہہ مہنگے خربوزے میں کتھوں لیسال واڑی ہو
عقل فکر دیاں بھل گیاں گلاں باہو جد عشق و جائی تاڑی ہو

ع عشق جہان دے ہڈیں رچیا اوہ رہندے چپ چپاتے ہو
لوں لوں دے وچہ لکھ زباناں اوہ پھر دے گنگے باتے ہو

اوہ کر دے وضو اسم اعظم داتے دریا وحدت وچہ پاتے ھو
 تدوں قبول نمازاں باھو جد یاراں یاز پچھاتے ھو
 ع عاشق سوئی حقیقی جیہڑا قتل معشوق دے منے ھو
 عشق نہ چھوڑے مکھ نہ موڑے توڑے تلواروں کھنے ھو
 جنول ویکھے راز ماہی دے لگے اوسے بنے ھو
 سچا عشق حسین علی داباھو سردیوے راز نہ پھنے ھو
 ع عشق سمندر چڑھ گیا فلک تے کتوں جہاز کچوے ھو
 عقل فکر دی ڈونڈی نون چا پہلے پور بوڑے ھو
 کڑکن کپڑ پون لہراں جد وحدت وچہ وڑیوے ھو
 جس مرنے تھیں خلقت ڈردی باھو عشق مرے تاں جیوے ھو
 ع عشق دی بھاہ ہڈاں دابالن عاشق یمھ سنیدے ھو
 گھٹ کے جان جگر وچہ آرا ویکھ کباب تلیدے ھو
 سرگردان پھرن ہر ویلے خون جگر دا پیندے ھو
 ہوئے ہزاراں عاشق باھو پر عشق نصیب کہیدے ھو
 عشق ماہی دے لایاں اگیں انہاں لکیاں کون بجھاوے ھو
 میں کی جاناں ذات عشق دی کیے جیہڑا در در چا جھکاوے ھو
 ناں خود سووے ناں سوون دیوے ہتھوں ستیاں آن جگاوے ھو
 میں قربان تہا مندے باھو جیہڑا وچھڑے یار ملاوے ھو

ع عشق دیاں اوہ لڑیاں گلاں جیہڑا شرع تھیں دور ہٹاوے ھو
قاضی چھوڑ قضا میں جاوے جد عشق طمانچہ لاوے ھو
لوک ایا نے متیں دیون عاشقاں مت ناں بھاوے ھو
مرن محال تنہاں نوں باھو جہناں صاحب آپ بلاوے ھو

ع عاشق شوہدے دل کھڑایا آپ بھی نالے کھڑیا ھو
کھڑیا کھڑیا ولیا ناہیں سنگ محبوباں دے رلیا ھو
عقل فکر دیاں سب بھل گیاں جد عشقے نال جا ملیا ھو
میں قربان تنہاں توں باھو جہناں عشق جوانی چڑھیا ھو

ع عشق اسانوں لیاں جاتا کر کے آوے دھائی ھو
جہول ویکھاں مینوں عشق وسیوے خالی جگہ نہ کائی ھو
مرشد کامل ایسا ملیا جس دل دی تاکی لاہی ھو
میں قربان اس مرشد باھو جس دیا بھیت الہی ھو

ع عشق اسانوں لیاں جاتا بیٹھا مار پتھلا ھو
وچہ جگر دے سنہ چالائیں کتیں کم اولہ ھو
جاں اندر وڑ جھاتی پائی ڈٹھا یار اکلا ھو
باجھوں ملیاں مرشد کامل باھو ہوندی نہیں تسلا ھو

ع عاشق نیک صلا میں لگدے تاں کیوں اجاڑ دے گھرنوں ھو
بال مواتا برہوں والا نہ لاندے جاں جگر نوں ھو

جاں جہاں سب بھل گیونیں پئی لوٹی ہوش صبرنوں ھو
میں قربان تنہا توں باھو جہناں خون بخشیا دلبرنوں ھو

غ غوث قطب ہن اورے اوریرے عاشق جان اگیرے ھو
جیہڑی منزل عاشق پہنچن اوتھ غوث نہ پاؤن پھیرے ھو
عاشق وچہ وصال دے رہندے جہناں لامکانی ڈیرے ھو
میں قربان تنہا توں باھو جہناں ذاتوں ذات بسیرے ھو

ف فجری ویلے وقت سویلے نت آن کرن مزدوری ھو
کانواں ہلاکسی گلاں تر تھجی رلی چنڈوری ھو
مارن چیخاں تے کرن مشقت پٹ پٹ سٹن انگوری ھو
ساری عمر پیٹیاں گزری باھو کدی نہ پئی آپوری ھو

ف فکر کنوں کر ذکر ہمیشہ ایہہ لفظ تکلھا تلواروں ھو
ذکر سوئی جیہڑے فکر کماون اکت پلک نہ فارغ یاروں ھو
عشق دا پٹیا کوئی نہ چھٹیا پٹ سٹیا مڈھ پہاڑوں ھو
حق دا کلمہ عاشق پرہدے حضرت باھو رہا رکھیں فقر دی ماروں ھو

ق قلب ہلیاتاں کیا کجھ ہویا کیا ہویا ذکر زبانی ھو
قلبی، روحی، خفی، سری سبھے راہ حیرانی ھو
شہ رگ توں نزدیک جلیندا یار نہ ملیوس جانی ھو
نام فقیر تنہا مذاہا ھو جیہڑے وسدے لامکانی ھو

ک کل قبیل کریمہ کہندے کارن درجہ دے ہو!
شش زمین تے شش فلک تے شش پانی تے تر دے ہو
چھیاں حرفاں وچہ سخن اٹھاراں دو دو معنی ہر دے ہو
مرشد ہادی صحی کر سمجھایا ہو اس پہلے حرف سطر دے ہو

ک کلے دی کل تدپیو سے جداں کل کلے ونج کھولی ہو
عاشق کلمہ اوتھے پڑھدے جتھے نور نبی دی ہو لی ہو
چوداں طبق کلے دے اندر کیا جانے خلقت بھولی ہو
اسانوں کلمہ پیر پڑھایا ہو جند جاں او سے توں گھولی ہو

ک کلے دی کل تدپیو سے جداں کلے دل نوں پھریا ہو
بے درداں نوں خبر نہ کوئی درد منداں گل مڑھیا ہو
کفر اسلام دی کل تدپیو سے جداں بھن جگر وچہ وڑیا ہو
میں قربان تنہاں توں باہو جہناں کلمہ صحی کر پڑھیا ہو

ک کلے دی کل تدپیو سے جداں مرشد کلمہ دسیا ہو
ساری عمروچہ کفر دے جالی بن مرشد دے دسیا ہو
شاہ علی شیر بہادر وانگن وڈھ کلے کفرنوں سٹیا ہو
دل صافی تاں ہووے باہو جاں کلمہ لوں لوں رسیا ہو

ک کلے لکھ کروڑاں تارے ولی کہتے سے راہیں ہو
کلے نال بجھائے دوزخ جتھے اگ بے از گاہیں ہو

کلمے نال بہشتیں جاناں جتھے نعمت سنج صبا ہیں ھو
 کلمے جیہی کوئی ناں نعمت باھو اندر دوہیں سراہیں ھو
 ک کلمے نال میں نہاتی دھوتی کلمے نال ویاہی ھو
 کلمے میرا پڑھیا جنازہ کلمے گور سہائی ھو
 کلمے نال بہشتیں جاناں کلمہ کرے صفائی ھو
 مژن محال تنہاں نوں باھو جہناں صاحب آپ بلائی ھو
 ک کُنْ فیکُونْ جدوں فرمایا اساں بھی کولوں ہا سے ھو
 ہکے ذات صفات رب دی آہی ہکے جگ ڈھنڈیا سے ھو
 ہکے لامکان مکان اسا ڈا ہکے آن بتاں وچہ پھاسے ھو
 نفس پلپت پلپتی کیتی باھو کوئی اصل پلپت تاں ناسے ھو
 ک کیا ہو یا بت اودھڑ ہو یا دل ہرگز دور نہ تھیوے ھو
 سے کوہاں میرا مرشد وسدا مینوں وچہ حضور وسیوے ھو
 جیندے اندر عشق دی رتی اوہ بن شرابوں کھیوے ھو
 نام فقیر تنہاں دا با ہو قبر جہناں دی جیوے ھو
 ک کوک دلامتاں رب سنے چادر دمنداں دیاں آہیں ھو
 سینہ میرا دردیں بھریا بھڑکن بھاہیں ھو
 تیراں باجھ نہ بلن مثالاں درواں باجھ نہ آہیں ھو
 آتش نال یاراناں لا کے باھو پھراوہ سڑن کہ ناہیں ھو

ک کائل مرشد ایسا ہووے جیہڑا دھوبی وانگوں چھٹے ھو
نال نگاہ دے پاک کریندا وجہ بھی صہون ناں گھتے ھو
میلیاں نوں کر دیندا چٹا وچہ ذرہ میل نہ رکھے ھو
ایسا مرشد ہووے باھو جیہڑا لوں لوں دے وچے وے ھو

ک کر عبادت پچھوتا سیں تینڈی عمر اں چار دھاڑے ھو
تھی سوداگر کر لے سودا جاں جاں ہٹ تاں تاڑے ھو
مت جانی دل ذوق منے موت مریندی دھاڑے ھو
چوراں سادھاں رل پور بھریا باھو رب سلامت چاڑے ھو

گ گند ظلمات اندھیر غباراں راہ نیں خوف خطر دے ھو
مکھ آب حیات منور چشمے اوتے سائے زلف عنبر دے ھو
مکھ محبوب دا خانہ کعبہ جتھے عاشق سجدہ کر دے ھو
دوزلقاں وچہ نین مصلے جتھے چاروں مذہب مل دے ھو
مثل سکندر ڈھونڈن عاشق اک پلک آرام نہ کر دے ھو
خضر نصیب جہان دے باھو اوہ گھٹ اوتھے جا بھر دے ھو

گ گیا ایمان عیسیٰ دیوں پاروں ہو کر کافر ریے ھو
گھت زنا رکھدا گل وچہ بت خانے وچہ بیہے ھو
جس خانے وچہ جانی نظر نہ آوے اوتھے سجدہ مول نہ دیہے ھو
جاں جاں جانی نظر نہ آوے باھو توڑے کلمہ مول نہ کہیے ھو

گ گجے سائے رب صاحب والے کچھ نہیں خبر اصل دی ھو
گندم دانہ بہتا چکيا ہن گل پی ڈور ازل دی ھو
پھائی دے وچہ میں پی تڑپاں بلبل باغ مثل دی ھو
غیر دے تھیں سٹ کے باھو رکھے امید فضل دی ھو

گ گودڑیاں وچہ جال جہناندی اوہ راتیں جاگن ادھیاں ھو
سک ماہی دی ٹکن نہ دیندی لوک انھے دیندے دیاں ھو
اندر میرا حق تپایا اساں کھلیاں راتیں کڈھیاں ھو
تن تھیں ماس جدا ہو یا باھو سوکھ جھلا رے ہڈیاں ھو

ل لا یحتاج جہناں نوں ہو یا فقر تنہا نوں سارا دھو
نظر جہناں دی کیمیا ہووے اوہ کیوں مارن پارا ھو
دوست جہناں دا حاضر ہووے دشمن لین نہ وارا ھو
میں قربان تنہا توں باھو جہناں ملیا نبی سوہارا ھو

ل لکھن سکھوئی تے لکھناں جاتا کیوں کاغذ کیتو ضائع ھو
قط قلم نوں مارناں جانیں تے کاتب نام دھرایا ھو
بھ صلاح تیری ہوتی تنہا دی باھو جہناں الف تے میم پکایا ھو
صحیح صلاح تنہاں دی باھو جہناں الف تے میم پکایا ھو

ل لہ ھو غیری دھندے ہک پل مول نہ رہندے ھو
عشق تے پئے رکھ جڑھاں تھیں اک دم ہول نہ سہندے ھو

جیہڑے پتھر وانگ پہاڑاں آہے اوہ لون وانگوں گل و ہندے ھو
عشق سو کھالا جے ہوندا باھو سبھ عاشق ہی بن بہندے ھو

ل لوک قبر دا کرسن چار الحد بناؤن ڈیرا ھو
چٹکی بھر مٹی دی پاس کرن ڈھیر اچیرا ھو
دے درد گھراں نوں ونجن کو کن شیرا شیرا ھو
بے پرواہ درگاہ رب باھو نہیں فضلان باجھ نیڑا ھو

ل لوہا ہوویں پیا کٹیویں تاں تلوار سدیویں ھو
کنگھی وانگوں پیا چریویں تاں زلف محبوب بھریویں ھو
مہندی وانگوں پیا گھوٹیویں تاں تلی محبوب رنگیویں ھو
وانگ کپاہ پیا ہنجیویں تاں دستار سدیویں ھو
عاشق صادق ہوویں باھو تاں رس پریم دی پیویں ھو

م موتو والی موت نہ ملی جیس وچہ عشق حیاتی ھو
موت وصال تھیںی ہک جدوں اسم پڑھیںی ذاتی ھو
عین دے وچوں عین جو تھیوے دور ہووے قرباتی ھو
ہود اذکر ہمیش سڑیندا باھو دینہاں سکھ نہ راتی ھو

م مرشد وانگ سنارے ہووے جیہڑا گھٹ گٹھالی گالے ھو
پاکٹھالی باہر کڈھے بندے گھرے یا والے ھو
کنیں خواہاں دے تدوں سہاون جدوں کٹھے پا جالے ھو
نام فقیر تنہا ندا باھو جیہڑا دم دم دوست سمہالے ھو

م مرشد مینوں حج مکے دا رحمت دا دروازہ ھو
 کراں طواف دوالے قبلے نت ہووے حج تازہ ھو
 کُنْ فِیْکُونْ جدو کاسنیا ڈٹھا مرشد دا دروازہ ھو
 مرشد سدا حیاتی والا باھو اوہو خضر تے خواجہ ھو
 م مرشد کامل اوہ سیر یے جیہڑا دو جگ خوشی دکھاوے ھو
 پہلے غم ٹکڑے دا میٹے وت رب دا راہ سمجھاوے ھو
 اس کلر والی کندھی نوں چا چاندی خاص بناوے ھو
 جس مرشد اتھے کجھ نہ کہتا باھو اوہ کوڑے لارے لاوے ھو

م مرشد میرا شہباز الہی ونج رلیا سنگ جیاں ھو
 تقدیر الہی چھکیاں ڈوراں کداں ملسی نال نصیباں ھو
 کوہڑیاں دے دکھ دور کریندا کرے شفا مریضاں ھو
 ہر اک مرض دا دارو توہیں باھو کیوں گھتائیں وس طپیاں وہ
 م مرشد وسے سے کوہاں تے مینوں دے نیڑے ھو
 کی ہو یا بت اوہلے ہو یا پراوہ وسے وچہ میرے ھو
 جہناں الف دی ذات صحتی کیتی اوہ رکھدے قدم اگیرے ھو
 سخن قرب لبھ لیو سے باھو جھگڑے کل نیڑے ھو

م مرشد مکہ تے طالب حاجی کعبہ عشق بنایا ھو
 وچہ حضور سدا ہر ویلے کرے حج سوایا ھو
 ہر دم میتھوں جداناں ہووے دل ملنے تے آیا ھو
 مرشد عین حیاتی باھو میرے لوں لوں وچہ سمایا ھو

م مرشد ہادی سبق پڑھایا بن پڑھیوں پیا پڑھیوے ھو
انگلیاں وچہ کنناں دے دتیاں بن سنیوں پیاسنیوے ھو
نمین نیناں ولوں ترتر تکلہ دے بن ڈٹھیوں پیا ڈسیوے ھو
باھو ہر خانے وچہ جانی وسدا کن سراہ وہ رکھیوے ھو

م مرشد باجھوں فقر کماوے وچہ کفر دے بڈھے ھو
شیخ مشائخ ہو بہندے حجرے غوث قطب بن اڈے ھو
تبیجاں نپ بہن مسیتی جو یں موش بہندا اوڑ کھڈے ھو
رات اندھاری مشکل پینڈا باھو سے آون ٹھڈے ھو

م مال تے خان سب خرچ کراہاں کرے خرید فقیری ھو
فقر کنوں رب حاصل ہووے کیوں کچے دلگیری ھو
دنیا کارن دین ونجاون کوڑی شیخی پیری ھو
ترک دُنیاں تھیں قادری کیتی باھو شاہ میراں دی میری ھو

م میں کو جھی میرا دلبر سوہنا میں کیونکر اسنوں بھانواں ھو
ویہڑے ساڈے وڑداناہیں پئی لکھ وسیلے پانواں ھو
ناں میں سوہنی ناں دولت پلے کیونکر یار مناواں ھو
ایہہ دکھ ہمیشاں رہسی باھو رہ رنڈ دی ہی مرجانواں ھو

م مذہباں دے دروازے اُچے راہ رباباں موری ھو
پنڈتاں تے ملوانیاں کولوں چھپ چھپ لنگھئے چوری ھو

اڈیاں مارن کرن بکھیڑے درد منداں دے گھوری ھو
باھو چل اتھائیں وسیئے جتھے دعویٰ ناں کس ہوری ھو

م میں شہباز کروں پروازں وچہ دریا کرم دے ھو
زبان تاں میری کن برابر موڑاں کم قلم دے ھو
افلاطون ارسطو جیہیں میرے اگے کم دے ھو
حاتم جیہیں لکھ کروڑاں دربا ہودے منگدے ھو

ن نال کر سگی سنگ نہ کریئے کل نوں لاج نہ لایئے ھو
تھے تربوز مول نہ ہوندے توڑے توڑ مکے لے جایئے ھو
کانوں دے بچے ہنس نل تھیندے توڑے موتی چوگ چکایئے ھو
کوٹے کھوہ ناں مٹھے ہوندے باھو توڑے سے مناں کھنڈ پایئے ھو

ن نہیں فقیری جھلیاں مارن ستیاں لوک جگاؤن ھو
نہیں فقیری وہندیاں ندیاں سکیاں پار لنگھاؤن ھو
نہیں فقیری وچہ ہوا دے مصلے پا ٹھہراؤن ھو
فقیری نام تنہاں دا باھو جیہڑے دل وچہ دوست ٹکاؤن ھو

ن ناں رب عرش معلیٰ اتے ناں رب خانے کعبے ھو
ناں رب علم کتابیں لبھاناں رب وچہ محرابے ھو
گنگا تیر تھیں مول نہ ملیا مارے پینڈے بے حسابے ھو
جدوا مرشد پڑھایا باھو چھٹے سب عذابے ھو

ن نت اساڈے کھلے کھاندی ایہا دی نیاز شتی ھو
جیندے کارن بہہ بہہ رو ون شیخ مشائخ چشتی ھو
جس جس اندر حب دنیا دی ڈاہڈی انہاں دی کشتی ھو
دنیا ترک کرن ہے حضرت باھو خاصہ راہ بہشتی ھو

ن ناں میں عالم ناں میں فاضل ناں مفتی ناں قاضی ھو
ناں دل میرا دوزخ مگے ناں شوق بہشتیں راضی ھو
ناں میں تریبے روز رکھے ناں میں پاک نمازی ھو
باجھ وصال اللہ دے باھو دنیا کوڑی بازی ھو

ن ناں میں سنی ناں میں شیعہ میرا دوہاں توں دل سڑیا ھو
مک گئے سبھ خشکی پینڈے جدوں دریا رحمت وچہ وڑیا ھو
کئی من تارے ترتر ہارے کوئی کنارے چڑھیا ھو
صحیح سلامت چڑھ پار گئے باھو جہناں مرشد الکریم پھڑیا ھو

ن ناں اوہ ہندو ناں اوہ مومن ناں سجدہ دین مسیتی ھو
دم دم دے وچہ ویکھن مولا جہناں قضا نہ کیتی ھو
آہے دانے تے بنے دیوانے جہناں ذات صحی ونج کیتی ھو
میں قربان تنہاں توں باھو جہناں عشق بازی چن لیتی ھو

ن ناں میں جوگی ناں جنگم ناں میں چلا کمایا ھو
ناں میں بھج مسیتیں وڑیا ناں تبا کھڑکایا ھو
جو دم غافل سودم کافر مرشد ایہہ فرمایا ھو

ن نفل نمازاں کم زاناں روزے صرفہ روٹی ھو
مکے دے دل سوئی جاندے گھروں جہناں تروٹی ھو
اچیاں بانگاں سوئی دیون نیت جہناں دی کھوٹی ھو
کی پرواہ تنہاں نوں باھو گھروچہ لدھی بوہٹی ھو

ن ناں کوئی طالب ناں کوئی مرشد سب دلا سے مٹھے ھو
راہ فقر دا پرے پریرے سب حرص دنیا دے کٹھے ھو
شوق الہی غالب ہو یاں جند مرلے تے اوٹھے ھو!
باھو جیہیں تن بھڑکے بھانبر ہوندی اون مرن ترہائے بھکھے ھو

ن ناں میں سیرناں پاچھٹا کی ناں پوری سرسائی ھو
ناں میں تولہ ناں میں ماشہ ہن گل ریتاں تے آئی ھو
رتی ہونواں ونج ریتاں تلاں اوہ بھی پوری ناہی ھو
وزن تول پورا ونج ہو سی باھو جداں ہو سی فضل الہی ھو

ن نیڑے سن دور دسیون ویڑھے ناہیں وڑدے ھو
اندروں ڈھونڈن دا دل نہ آیا مورکھ باہروں ڈھونڈوں چڑھئے ھو
دور گیاں کچھ حاصل ناہیں شوہ لیمے وچہ گھر دے ھو!
دل کر صیقل شیشے وانگوں باھو دور تھیوں کل پردے ھو

و وحدت دے دریا اچھے تھل جل جنگل رینے ھو
عشق دی ذات منیندے ناہیں سانگلاں جھل تپنے ھو

رنگ بھبھوت ملیندے ڈٹھے سے جوان لکھینے ھو
میں قربان تنہاں توں باھو جیہڑے ہوندیاں ہوون پنے ھو

و وحدت دے دریا اچھلے ہک دل صحتی نہ کیتی ھو
ہک بت خانے واصل تھے ہک پڑھ پڑھ رہے مسیتی ھو
فاضل چھڈ فضیلت بیٹھے عشق بازی جاں لیتی ھو
ہرگز رب نہ ملدا باھو جہناں ترٹی چوڑ نہ کیتی ھو

و وحدت دا دریا الہی جتھے عاشق لیندے تاری ھو
مارن ٹپیاں ہو کڈھن موتی آپو آپی واری ھو
دڑ یتیم وچہ لئے لشکارے جیوں چن لاناں ماری ھو
سوکیوں نہیں حاصل بھردے باھو جیہڑے نوکرنیں سرکاری ھو

و ونجن سرتے فرض ہے مینوں قول قالو ابلیٰ دا کر کے ھو
لوک جانے متفکر ہوئیاں وچہ وحدت دے ڈر کے ھو
شوہ دیاں باراں شوہ ونج لہسیاں عشق تلہ سردھر کے ھو
جیوندیاں شوہ کسے نہ پایا ہو جیوں لدھاتیں مر کے ھو

و ویہہ ویہہ ندیاں تارو ہوئیاں بمبل چھوڑے کاہاں ھو
یار ساڈا رنگ محلئیں درتے کھلے سکا ہاں ھو
ناں کوئی آفے ناناں کوئی جاوے اسیں کیس ہتھے لکھ منجاہاں ھو
جے خبر جانی دے آوے باھو کھڑ کلیوں پھل تھوہاں ھو

ہ ہودا جامہ پہن کر ہاں اسم کھاؤن ذاتی ھو
کفر اسلام ذاتی نہ منزل ناں او تھے موت حیاتی ھو
شاہ رگ تھیں نزدیک لد ہو سے پا اندروے جھاتی ھو
اوہ اسماں وچہ اسیں انہاں وچہ باھو دور رہی قرباتی ھو

ہ ہک جاگن ہک جاگ نہ جاگن ہک جاگدیاں ہی ستے ھو
ہک سریتاں جا واصل ہوئے ہک جاگدیاں ہی مٹھے ھو
کے ہو یا جے گھگو جاگے جیہڑا لیندا ساہ اپٹھے ھو
میں قربان تنہاں توں باھو جہناں کھوہ پریم دے جتے ھو

ہ ہک دم بجن تے لکھ دم ویری ہک دم دے مارے مردے ھو
ہک دم پچھے جنم گویا چور بنے گھر گھر دے ھو
لایاں دا اوہ قدر کی جانن جیہڑے مجرم ناہیں سر دے ھو
سو کیوں دھکے کھاؤن باھو جیہڑے طالب سچے دردے ھو

ہ ہر دم شرم دی تند تر وڑے جاں ایہہ چھوڈک ہلے ھو
کچرک بالاں عقل دا دیوا مینوں برہوں انہیری جھلے ھو
اجڑ گیا ندے بھیت نیارے لکھ لعل جواہر رنے ھو
دھوتیاں داغ نہ لہندے باھو جیہڑے رنگ بچھٹھی دھلے ھو

ہ ہسن دتے کے روون لیوئی تینوں دتا کس دلا سا ھو
 عمر بندے دی اینوس وہانی جیویں پانی وچہ پتا سا ھو
 سوڑی اسامی سٹ گھتیں پلٹ نہ سکسیں پاسا ھو
 تیتھوں صاحب لکھیا منگھسی باھورتی گھٹ نہ ماسا ھو

ہ ہور دوانہ دل دی کاری کلمہ دل دی کاری ھو
 کلمہ دور زنگار کریندا کلمیں میل اتاری ھو
 کلماں ہیرے لعل، جواہر کلماں ہٹ پیاری ھو
 اتھے اتھے دوہیں جہانیں باھو کلماں دولت ساری ھو

ہ ہکی ہکی پیڑ کولوں کل عالم کے عاشقاں لکھ لکھ پیڑ سہیری ھو
 جتھے دھن رڑھن دا خطرہ ہووے کون چڑھے اس بیڑی ھو
 عاشق چڑھدے ناں صلاحاں دے انہاں تار کپر وچہ بھیری ھو
 جتھے عشق پیاتلدا ناں رتیں دے باھو اتھے عاشقاں لذت نکھری ھو

ی یار یگانہ ملی تینوں جے سردی بازی لائیں ھو
 عشق اللہ وچہ ہو مستانہ ہو ہو سدا لائیں ھو
 نال تصور اسم اللہ دے دم نوں قید لگائیں ھو
 ذاتے نال جاں ذاتی رلیا تدباھو نام سدا لیں ھو

☆☆☆☆☆☆☆☆

